

et les estats gnaulx icy solemnellem̄t assemblez leur requièrent qu'ils veuillent penser a leur propre bien et conservation, et a ceste fin accorder proptement la continuation desd<sup>u</sup> moyens gnaulx sur le pied qu'ils se levent pn̄tem̄t en flandres, jusques a ce que lesd<sup>u</sup> estatz gnaulx ayent resolu ung aultre pied d'iceulx moyens gnaulx a practyquer pour toutes les provinces de par-deca. A quoy leurs deputez ont declaire estre tres volontaires, tenant au surplus de vre part la bonne et vive main d'aultant qu'en vous sera a ce que notre bonne intention de nre d<sup>t</sup> bon cousin, et desd<sup>u</sup> estatz generaux soit en toute celerite effectuee, et ny veuillez faire faulte. Atant tres chiers et bien amez, nre S<sup>r</sup> vous ait en garde.

D'Anvers le xviii<sup>me</sup> jour d'avril 1579.

MATTHIAS.

POTTELSBERGHE.

A nos tres chiers et bien amez les deputez des estats du pays et comte de flandres pn̄tem̄t assemblez en Anvers aux Estatz gnaulx.

---

## CXLIV.

*Copie authentique d'une lettre de Philippe de Lalaing au Prince d'Orange. — Il lui envoie des dépêches secrètes qu'il a interceptées et qui étaient adressées au Prince de Parme. (Arch. Y.)*

1579  
19 Avril.

Mons<sup>r</sup>, Il y a quelques jours qu'on m'a apporte un paquet qui sen alloit vers le prince de Parme, lequel j'eusse bien desiré de vous envoyer p<sup>r</sup> le S<sup>r</sup> de Villers, mais par l'absence d'un mien secretaire lequel l'avoit es mains n'ay ce peu effectuer jusques ores, qui m'a fort despleu d'aultant que j'estime questant le tout deschiffre lon y pourra trouver quelques secrets, attendu mesme

que par une qui s'adresse au secretaire dud<sup>t</sup> Prince de Parme on luy prie de faire tant que le contenu du 'chiffre ne soit divulge, si l'on peult le tout entendre je vous prie m'y faire bonne part. Depuis le parlement de Mons<sup>r</sup> le Marquis, nous n'avons rien appris d'Arthois, au regard de ceulx d'icy, selon que vous ay plusieurs fois mande ils sont tous bien deliberez d'amplecter (1) la paix p<sup>r</sup> la g<sup>r</sup>nalite si aulcunement on y peult parvenir, sinon, sont tous bien deliberez de se deffendre moyennant qu'ilz soyent assistez comme la raison veult, et a quoy j'espere vous tiendrez tousjours la bonne main, et sur ceste confidence je prierai le createur

Monsg<sup>r</sup> vous continuer ses saintes graces, me recommandant bien humblement aux vostres. de Mons le XIX d'april 1579.

Vre bien obeissant filz a vous faire  
humble service.

PHILIPPE DE LALAING.

Monseigr

Monsgr le Prince d'orange Lieutenant General, etc.

Recepta le xx.

---

## CXLV.

*Lettre du Prince d'Orange aux États de Flandre. —  
Nécessité de fortifier Dunkerque. (Arch. Y.)*

Edele Eerentfeste eerbare wyse hooghgeleerde bezondere goede vrienden. Alzoo ulieden genoech is kennelyck de importantie van der stede van Dunkercke, ende dat aen de sterckte ende fortificatie der zelve sonderlinge is gelegen voor den landen van

1579  
22 Avril.

---

(1) Ils sont tous bien décidés à traiter de la paix.